



VC / Local Council Inthlan February 2012

Branch News

Chanmari West October 27 : Village Council leh Local Council inthlan chu nakum (2012) February thla hian neih tura ruahman a ni a, hemi chungchang ngaihtuah hian Pu C.Ropianga, State Election Commissioner leh mi pawimawhte tunkar kalta khan an thukhawm.

SEC, Pu C.Ropianga ho a thutkhawm ah hian Roll ennawn dan turte leh inthlan atana E-roll thar chu kumthar Januuary ni 18-ah tihchhuah tura tih a ni. Kum kalta 2009-a V/C inthlan atanga kumthar 2012 Draft E-rolls-a voter punna chu 10.30% niin hengte hi ennawn leh tura ruahman leh la danglam tura ngaih a ni. Meeting ah hian kum 2012-a VC leh Local

Council inthlanna chu a ruala neih nise tih a ni a, sorkar nena sawiho leh a February thla chhung ngeia inthlan hi buatsaih nise tih a ni. Tun dinhmunah Aizawl Municipal Council huamchhungah hian voters 1,68,649 leh polling station 174 a awm a ni. Inthlanna atana E-roll thar hi kumthar Jan 18 ah tihchhuah tura tih a ni.

CYMA NGENNA

Mizoram Sorkar chuan kum 2011

Krismas leh Kunthar 2012 vuakvetah Halpuah leh Halmawi zawrh leh hal a khap a. Halpuah leh Halmawite hi mihringte tana tangkaina nei lo, hriselna tichhe thei, a lo thlawnna sum tam tak sen ralna a nih bawk avangin, Central YMA chuan mitinte Halpuah leh Halmawi zuar lo tur leh hal lo turin a ngen a, Sub-Hqrs./Group leh Branch zawng zawngte mahni huamchhung theuhvahmalo la turin kan inngeen bawk a ni.

Tin, Silai lem a mu kahchhuah theih naupangin an hmang thin hi Central YMA chuan tha lo a ti bawk a, heng silai lem hi mi tam takin chhiat phah nan an hman tawh avangin, kan fate lei sak lo turin nu leh pate kan ngen bawk a ni.

LAWMTHU SAWINA

Ni 18.11.2011-a Khuangchera Section YMA ten intuaitharna an neih a, an lo haw lam accident an tawh avanga an Section hruaitu Pu K.Lalengmawia a boral avanga amah sunna atana Neuva Section, Taitesena Section leh Vanapa Section ten intuaitharna neih an tum chu Pu K.Lalengmawia sunna atan an thulh a, an Section chungah Branch YMA chuan lawmthu sawi a ni.

Sd/- VANLALRUATA
General Secretary,
Central YMA



Tunkar lo awm tur Ni 29.11.2011(Thawhleh) zan khian Branch Executive Committee neitum a ni.



Vengchhung step rawng hnawih pawh zawh fel tawh a ni.



Ni 18.11.2011 a Khuangchera Section ten chhiat an tawh a, motor accident a tel te Branch O.B ten an In-ah an kan kual.



Chhiatni Fund khawn belhah la pe lo ten lo pe zel turin kan in ngen a, khawn hmuh tawh la theh lut lo Section te chu a ranglama theh lut turin kan in ngen e.



Zawlbuk sakna tur Brick lak thlen tlawnngaia lo unload a, lo dah thatu te chungah lawmthu sawi a ni.

PEM LEHKHA

Heng mite hnen atang hian pem lehkha dawn a ni a, veng tana mi tha tak an nih kan beisei.

1. Pu Hnehtuliana te chhung Ngopa atangin Pu Lalchuanawma 'K' Section-te In-ah.

2. Pi Malsawmdawngiani te chhung New Serchhip I.O.C veng atangin Pu Huapthanauva 'K' Section te In-ah.
3. Pi Zingsungi te chhung Vaivakawn atangin Pu Lalrinliana 'K' Section te In-ah.

4. Pu Tlangchhunga te chhung Dawrpui atangin Pu HVL Zasanga 'N' Section te In-ah.

5. Pu H.Lalremsiama te chhung College Veng atangin Pu Matthewa 'V' Section te In-ah.

6. Lalnunsanga te chhung Mualpui atangin Pu Roluahpuia 'V' Section te In-ah.



TUNKAR CHANGVAWN

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer

President
T.Ngurkhuma
9436190843

Vice President
R.Lalhmachhuana
9436151817

Secretary
RL.Thanhnuna
9436152760

Asst. Secretary
K.Darthantluanga
9436196071

Treasurer
C.Lalzarliana
9436142049

Fin.Secretary
Lalthuamluua
9612216649

Advisers
Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah jimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Hnam changkang leh ram changkang apiangah hun hian hlutna a nei nasa emaw tih mai turin mitinin hun an vawng dik thin em em a. Keini ram chu sawiloh kan vengah ringawt pawh hian engemaw ni khua a thil kan tih reng rengin, a hun takah kan tanin kan ti theilo fo mai hi chu kan inenfiah a ngai deuh niin a lang. Atlangpuiin hun vawng diklo leh ngai pawimawh lo te hi mi changkang lo leh zirtirna tha dawnglo mai piahlamah mawl, chapo leh intivei an ni deuh ber awm e. ‘Hun hi tangka a ni’ an tih ang tak hian a hun takah engkim tih zat zat tum ila hmasawnna tam tak kan hmu ngeiin a rinawm.

Article : **MIZOTE LEH MIN HUALTU HNAMTE**

-Zova Tochhawng.

Hnam tinte hian khawsak phung, ei leh in, silh leh fen leh ngaihhlutzawngte kan nei hrang firfer hlawma. Hei hi, khawvel hnam hrang hrangte ze bil leh danglamna chu a ni reng a. Tun \umah hian min hualtu hnamte laka Mizote kan danglamna langsar zual deuh deuhte kan han thlir kual den den dawn a ni.

CHAW BEL : Mizovin silvar kan tih ve mai, aluminium bung bella awmhmkhachuan Mizote leh min hualtu hnamte paw'n eisiam nan lei bel mum leh lei khuhriang kha kan hman ber a la ni vek hlawm a. Vai siam(company siam tihna) silvar bello chhuah hnuah pawh Mizote chuan bel mum kha kan longaina lakkawh tawh a ni chek ang chu, bel mum ngata chaw chhum tur emaw kan la ti fan a. Cooker kan tih bel \hami lo chhuah hnuah pawh ahmang phalotechuan bel mum hilira chaw la chhum \ang \ang zelin bai leh tlak chhuan nan pawh loh theih lohva hman ngei turah kan la ngai fo mai.

Kan chheh vela hnamte erawh chuan dekchi belin chawan chhum a, a hminah a tui an thli mai \hin a. Antui leh hmeh dang siam nan pawh dekchi an hmang tlanglawn ber bawk. Kan chhaka Kawl kan tihho phei khi chuan aluminium bel mum hiansiam velohrim hrim niin a lang.

EI LEH IN : Tun hma deuh te kha chuan Mizote chuan chaw kan eii kan kutphahin chaw kan \ham \awk a, kan kaah a bengin kan beng lut \un \una. Vawk pui koham ang hrimin kan \hal ri leh bawrh bawrh bawk \hin. Zung \angachaw \hamte pawh in chaw kenna zung \ang pali zet kaa rawlh lutin kan bar ber \hin a. Fiana antui kan hawp paw'n a sutin kan sut ri hruih hruih a, \henkhat fian khel ri rup rup tawk lah kan bo nahek lo. Min hualtu hnam hrang hrangte erawh chuan zung \ang pangaa chaw \hamin zungpuiin an hnawlluta, kachip hmanin an \hal mai \hin. Antui pawh chhum tawp ni lovin an siam a, ri lo leh fian seh rup rup lovin an hip lut mai \hin.

Tin, chawhmeh lam pawh sahriak lam kan lotlakchham \hin vangin chhum, tlak leh baite hi siam dan phungah kan neih a. Hriak(tel) lam kan hnianghnarve hnu pawhin Mizote hrawk chuan a chhum lam kan la ngaina ber fan a. Chawhmeh tam tawka chhum hnurte, kan pawh hawp theih tura tui nei puauva kan te kan ching a. Kan chheh vel hnamte chuan tel mawm \hatak leh hmuihmer dangte tel hin tlemte, tui takin an siam mai \hin a. Sa te pawh tlemte tein an siam a, an hmeh zingthung mai \hin. Mizote angaeinghenglehangheng ang hi an ching ve meuh lo.

TLEREUH : Tlereuh kan tih mai zungbun, \hi, bengbeh lehngun lam pawh khawvel ram

dang chu sawi loh, min hualtu Kawl, Manipuri leh Vai kan tih mai hoten an uar hle laiin Mizote chu minthlawh khum leh peka. Tuna kan pitar leh putarte vanglai phei kha chuan inneih zungbun atan pawh hnang kual te an inbuntir mai mai \hin a nih kha. \hi hna leh kartut(cartridge) ruaka siam darzungbun pawh an la ngaihilu em em a, hla thuah pawh an hmangawllo \hin. Chung hun hmada ha \angin kanchheh vel hnamte chuan tangkarua(silver) leh rangkachaka siam tlereuh an hlut tak zet tawh a. Pachhe ve tak takte pawhin kutni vangthla leh hun pawimawh in belatante, sum dah \hatna atan te an lo kawl im em tawh a. Nei lo deuhte tan pawh rangkachak tui luan tlereuh hawh theihna dawte hial a siam \hin.

‘85 kum, rangkachek kan chhertirh lai pawh khan rangkachak ngainat nachang hria an nupuite rawn kalpuitu pa tam tak chuan, “Khang ai chuan sa lein ei nghek ila, a manhla zawk daih ang,’ tih kha an thu chhakchhuaka a nifo. Min hualtu hnamte leh ram changkanga mite nen chuan kan danglam kher mai.

TAWNG : Kan leili inran hleizia hi sawi kan tum zawk chu a nia. Min hualtu hnamte fiah fuk fuk lo leh rang fea an dak zat zat laiin Mizote chuh fiah fuk fuk leh muang churhinkan \awng chut chut a. Mi tam tak phei chuan intihrinawmnan leh inlak thupuifun nan muang ban cherhchawrha \awng kan la ching lui zui lehng hala, nghahlel hawmfe fea \awng kantam fe \hin chu a nih hi.

Vai \awng emaw, Kawl \awng emaw, Sap \awng emaw pawhin, ‘Chaw i ei tawh em?’ han ti ila, an mahni \awng dan nena khaikhinin kan \awng muanzia chu a lang chiang thei khawp mai. Thil mak tak pakhat chu \awng muang nana nachu kanche leh thil tivel pawh kan muang fan deuh dulh zela, thil zir kawngah pawh kan thluak a muang deuh nge nge zel hi a ni. Vai leh kawlte chu bazara tomato leh alu ilo an han thlang te hi ar buh chuk ang maiin an mal zat zat \hin a. Mizote chuan peih lo chung chungati ang hrimin kan mal chut chut \hin. Khawvel hnam upa leh changkang, \awng muang chuar chuar leh che muang \uih \uih an awm ngai loh danah hian Mizote hi kan la changkang tawk lo em ni tih hingai tuah tham fe a tling awme.

(phek 4-na ah chhunzawm a ni)

KUANGCHERA

Ni 18.11.2011(Zirtawp) a Section Retreat an neih a Pu K.Lalengmawia'n nunna hial a chan chu pawi an tiin thinlung takin an tuar takzet a ni.

Pu K.Lalengmawia sun nana V-Section leh N-Section ten an intuaitharna programme an thulh vek chu lawmthu an sawi mawlh mawlh.

Retreat an neih a accident an tawh a hliam tuar zawng zawnge chungah pawi an tiin an dam leh thuai an duhsak.

Pu Ramfangzauva te chhungkua in Section retreat-na a accident tawkte 'Thlahualna' chawhlui ni 23.11.2011(Wed) khan an buatsaihsaka an chungah lawmthu an sawi takzet. Member leh hravaituten thlamuanthlak an ti hle a, lusun khawhar chhungte Lalpa'n awmpuiin thlamuan se an duh tak meuh a ni.

An member Tv.Vanlalpeka S/o K.Lalnunmawia chu National Sub-Junior Volleyball Championship Kerela-a neih turah Mizoram aiawhin a kal a, an chhuang takzet.

Khawtlang vawn thianghlim kawnga hmala turin an inbuatsaiha, Krismas leh kumthar atan an inbuatsaiha tan bawk.

NEUVA

Maj.K.Thangkima te chhungin an nu Pi Rosangi Sailo chatuan ram panta hriatrengnan section YMA tan FM leh Sound box an rawn pe a, an chhungkaw chungah lawmthu an sawi takzet.

Section memberte Intihhlimna Oouting neih an tum chu K-Section hravaitu Pu K.Lalengmawia chatuan ram panta an tawrhpuzia leh sunna lantir nan thulh a ni.

Zawlruk point-a gas sem leh hunah Sl.No. 95-131, 1-8 sem a ni ang.

TAITESENA

Memberte hnena hriattirna:- Section memberte puala intihhlimna hun hman tum chu Branch lam atanga min ngenna avangin thulh a ni.

Tunkar lo awm tur Ningani zan hian Section Committee neih tum a ni a, hravaitute hunawl lo insiam theuh turin an in ngen. Committee kan neih zen zen tawh dawn loh avangin i ngai pawimawh theuh ang u.

(T-Section Report chhunzawmna)

An hravaitu C.Lalfela leh C.Lianhmingthangi te chuan Ni 25.11.2011(Fri) khan BCM Chanmari Kohhran ah Kohhran Dan thianghlimin 'Tiam tlat e' an ti a. Fanau maltuan chawi turin duhsakna an hlan.

Section huamchhunga dawr neite Central YMA in min ngen angin halpuah, silai lem leh cap zuar lo turin an in ngen.

Hravaitute Chhiatni Fund tifel theuh tur leh aranglama Fin.Secretary hnena thehlut turin an in ngen nawn leh.

VANAPA

Pu Ngulliana New Life Hospital ah Ningani khan dahluh ani. Pi Lalzami m/o Tv Zohmingliana Civil Hospital ah awm mek. Pu Jimmy Vanlalhraua Damdawiin atangin a rawn chhuak.

Chhiatni Fund Khawn mek ani a, hravaitu ten thla thar hma in thehluh theih theuh nise.

K Section ten Chhiat an tawh avangin Section Picnic thulh ani a, Tv Mangheta hnena Pawisa lak let theih ani.

Asst Leader Pu Zairemthanga hna tul avanga Thenzawl lam zin pawh alo haw leh ta.

An member Tv.Vanlalthanpua leh NL.Lallawmkimi te National Karate Championship khelin an thang mek.

ZCC NEWS

Vawiin chawhma inkawmban hian hravaitu zawng zawnge Ni.Lalrohlui (K-Section) te inah thu pawimawh tak sawiho tur a awm avangin kal vek turin an in ngen.

Chanmari West Br. YMA in Zawlruk an sak mek a a tul anga hman atan Rs 10,000/- hlan a ni.

Ni 21.11.2011 zan khan Assam Rifles ah leh Ni 23.11.2011 zan khan Tourist Lodge Chaltlang-ah programme neih a ni a, member thahnem tak an thawkchhuak.

Tourism Department leh Mizo Cultural Organisation (MCO) in an buatsaih 'Thalfavang Kut' ah Ni 25.11.2011 khan memberten lam an entir.

Chanmari West Br. YMA Khuangchera Section te vanduaina tawh chu pawi an tiin nunna hial chan an awm chu an tuarpui hle.

CWSC NEWS

23th Mizoram Open Athletic Meet chu 29th Nov. - 1st Dec 2011 chhung hian Ramhlun Sport Complex-ah nei a ni dawn a. He meet a tel tum leh tel duhte chu Pu H.Lalramhluna Sr.Vice President leh CWSC OB te hnena in report theih a ni e.

MFA in a buatsaih tur Under 17 Football Tournament ah kan veng VC team ten tunkar lo awm tur Ni 2.12.2011(Thawhleh) Dar 11 hian Kawpuar nen Durtlang Field-ah an khel ang.

Inter Village Under-17 inbuatsaihna kalpui meka vengchhung tlawmngai te hnena vehbur an rawn khawn tan dawn a, tlawmngai lo pe theuh turin an in ngen.

Nimin Inrinni khan ADFA buatsaih Under-13 Football Tournament ah kan veng team te an inkhel a result kan hre hman ta lo.

Football Sub-Committee :-

Ni 23.11.2011(Nilai) zan khan committee neih a ni a, thu pawimawh tak tak rel a ni.

Football Sub-Committee hravaitute thahnemngai lehzual turin an in ngen.

Tournament khelh zawh takah heng mite hnen atang hian tanpuina dawn ani a, an chungah lawmthu an sawi.

1) Pu Lalmuanpuia	Rs.10,000/-
2) Pu C.Lalzarliana	Rs. 1,000/-
3) Pu Remsangpuia	Rs. 1,000/-
4) Pu R.K.Rozidinga	Rs. 1,000/-
5) Pu Laltanpuia	Rs. 1,000/-
6) Pu C.Vanlalhraua	Rs. 1,000/-
7) Pu C.Zonunsanga	Rs. 500/-
8) Pu Lalhmachhuana	Rs. 500/-
9) Pu VL.Thakima	Rs. 200/-

Volleyball Sub-Committee :-

National Sub-Junior Volleyball Championship Kerela-a neih turah an committee member Tv.P.C.Lalhriatpuia kaihhruihna in kan veng player 2 Lalremruata (N-Sect.) leh Vanlalpeka (K-Section) te an kal. Nimin 26(Inrinni) khan Mizoram an chhuahsan. Hlawhtlinna an rawn chan ngei theih nan duhsakna an hlan.

Volleyball Tournament neih zawh takah Pu Lalduhawma leh Pu Lalramliana (Tetea) CH-Section ten Rs.500/- veve an pe chu an lawm hle.

An Asst.Secretary Pu Thangsuanmanga'n players te chaw eikhawmna tur Ar lian tak a pe chu an lawm hle.

(Article chhunzawmna)

HMUNPHIAH : Hmunphiah kan hman danah pawh Mizote chuan a mumin kan tel tawp mai \hin a. Min haultu hnamtelehkhawelhnumdanga hnamchangkangzawktechuanengthil pawh hmunphiah atan hmang se, tel mum ngawt lovin bawlhhlawh huitam zawngin an phiar/cher phek deuh zel chuanih hi.

Hmunphiah sawi takah chuan kan chemte hman dan te pawh hi a danglambik ngawt mai. Mizote chuan thil kan velin kan \ang chhung lamah chemte kan hui lut zut zuta. Kawl, Vai leh Sapte chuan an \ang pawn lamah an nawr chhuak zet zet thung \hin a nihhi.

Kan han sawi den dent tak, min haultu hnamte leh khawvel hnam dangte aia kan danglambiknate khaa \hat zawk leh zawk loh lam sawi tum kan ni lova. Kan pi pute'n hnam dang leh ram dang tlawh pawh lova an lo inkurkung \hin vanga kan khawsak phung leh ngainatzawng danglam bikzia kantarnamaia nia. Chhawm nuntlakaawmchuanchawmnungzel ila, sim ngai a awm pawhin simin inzir thar zel ila, ralting kan kai theihna kawng a ni thei hial awme.

SUB-CENTRE NEWS

Nu naupai tan Sub-Centre ah Iron mum a awm tawh e. A la ei lo tan lak ngei tur a ni. Tin, naupang thisen neilo tan pawh damdawi lak tur a awm e.

HOME MISSION SCHOOL

McDonald Hill, Aizawl

RESERVATION OPENS

Admission Reservation Forms for class IX (nine) will be issued from December 1.

ONLY Few seats available.

Contact the school office during working hours or call 2306009 / 2340924.

Sd/ Principal

GOSEN MEAT SHOP

Arsa leh Vawksa rep tuihnai leh thianglim tak engtiklai pawhin lei tur kan nei reng e. Min han dawr ve chhin teh.

Pu Thanhawla inhnuai
T-Section
Contact : 9862360316

ZAWLBUK

WORKING COMMITTEE

Ni 25.11.2011(Fri) zan khan Zawlbuk Working Committee meeting pawimawh tak neih a ni a, Zawlbuk sak meka Work Supervisor Pu K.Lalengmawia'n hun lo taka a boralsan chu an uiin a kalsan tak a chhungte an tuarpui takzet.

Zawlbuk Fund khawn zawh thawkhat a ni a, tlwmngaia Fund chhungkua zawng zawng chungah Committee chuan lawmthu a sawi takzet a ni.

La khawn fel lo Section-te thahnemngai taka tifel theuh tur leh khawn tawhsa aranglama thehlut theuh tura ngen kan ni bawk e.

Tun dinhmuna Section hrang hrang atanga Zawlbuk Fund luh tawh dan :-

Sect.	Target	Lut tawh zat
T	1,00,000	1,07,850
C	95,000	1,02,350
V	85,000	82,350
K	85,000	70,750
N	45,000	38,850

Kan thukhawchang

- Ed. Board.

Thu chhuah tur nei reng rengin a hma thei ang bera a chhutna hmuna dah thin nise. Zan lam lo ah pawh chhut hmain Tv.Mala dawrah a dah theih reng e.

Hriselna a inchen loh avangin zan rei tak tak men a harsa a, Section report a hmalama dah theuh turin kan in ngen e.

HETAH HIAN SMS LA

>>8794162539<<

Kan veng English Medium School 1-ah chuan kumluana exam fee tur pawisa tam tak kumtirah an lo khawn tawh a, 2nd term leh tun exam ah hian fee an khawn leh a. An school a kal naupang nu leh paten kan hrethiam lo hle a ni. School dangah vawi 1 exam fee ` 50/- an tih laiin ` 120/- kan chawi bawk si hi kan hrethiam lo hle a ni.

985659_20

Sorkar dan dinglai zahlo a ui thlunglo khawlaia tlat tir kan ching leh ta hle mai. A bikin UPC biakin leh Char tuikhur inkarah an tam lehzual.

977439_29

December Ni 13 ah YMA hruaitu kan thlang dawn a, memberte tun atanga ngaihtuahna lo sen tan tawh a hun viau a ni.

961231_79

Under-17 Football Tournament lo awm turah hian kan veng player thenkhat vengdang hminga khelh tum an awm a ni awm e. Mahni veng hminga khel duhlo vengdang tana khelh tum te hi hruaitute hian enge kan ngaihdan aw.

977486_52

Central Road VVK hnaih kawngchhak lama mite in Septic Tank ngaihtuah deuh teh u. Nangmahni tana pawilo emaw in tih kha midang tan a hrisel lo hle a ni.

801356_11

(SMS kan dawn te hi Ed. Bd ngaihdan a ni vek kher lo)

KID'S DEN PRE SCHOOL, NURSERY DAY CARE AND AFTER SCHOOL CARE

January 2012 atanga tan turin Kid's Den-ah Admission hawn a ni ta. Naupang PSYCHOLOGY, GROWTH and DEVELOPMENT trained chhuak, B.Sc Nursing in a enkawl dawn a, Teacher te pawh Trainee mek an ni. Thla inkar danah DENTAL leh MEDICAL checkup neih sak ziah an ni bawk ang. Tin, After School Care -ah hian School Naupang Class I-VIII School banah Home Assignment leh Tuition mumal tak (Parental Care) pek an ni ang. DAY CARE (Nau awmna) tih tel bawk a ni. Zawt chiang duh tan a hnuai Address-ah hian zawhfiah theih reng a ni e.

Ph - 8794026603

A Hmun : Chaltlang Venglai, D. Lalthlengiani Building
(6-6)

CHAM CHAM STORE
Chanmari West. Aizawl. C-85/01A

Ph. 9436352887 / 0389-2348162

Hengte hi kan ti thei e.

Xerox, Lamination, Photo Block Lamination,
Passport Size, Spiral Binding, Invitation Card,
Visiting Card, Signboard, Baner designing etc.

*Photo quality tha tak water proof
Camera, Mobile Phone etc. atangin kan print thei.*

